

宋本十一家注孫子

下

十一家註孫子卷下

地形篇

曹操曰欲戰審地形以立勝也○李筌曰軍出之後必有地形變動○王贊曰地利當周知險隘支柱之形也○張預曰凡軍有所行先五十里內

山川形勢使軍士伺其伏兵將乃自行視地之勢因而圖之知其險易故行師越境

審地形而立勝故次行軍

孫子曰地形有通者

梅堯臣曰道路交達

有挂者

梅堯臣曰網羅之地往必

掛綴有支者

梅堯臣曰相持之地

有隘者

梅堯臣曰兩山通谷之間

有險者

梅堯

臣曰山川丘陵也

有遠者

曹操曰此六者地之形也○梅堯臣曰平陸則勝也○張預曰地也○杜佑曰此六地之名教民居之得便利形有此六者之別也

我可以往彼可以來曰通

杜佑曰謂俱在

平陸往來通利也○張預
日俱在平陸往來通達

通形者先居高陽利糧道

以戰則利

曹操曰寧致人無致於人○李筌曰先之以待敵○
杜牧曰通者四戰之地須先據高陽之處勿使敵人

先得而我後至也利糧道者每於津阨或敵人要衝則築壘或作甬
道以護之○賈林曰通利者無有崗坂亦無要害故兩通往來處高

易于望候向陽視生通糧道便易轉運於此利於戰也○杜佑曰寧
致人無致於人已先據高地分爲屯守於歸來之路無使敵絕已糧

道也○梅堯臣曰先據高陽利糧通阨敵人來至我戰則利○王晳
註同曹操○何氏同杜佑註○張預曰先處戰地以待敵則致人而

不致於人我雖居高面陽坐以致敵亦慮敵
人不來赴戰故須使糧餉不絕然後爲利

可以往難以返

曰挂

杜佑曰掛
者牽掛也

挂形者敵無備出而勝之敵若

有備出而不勝難以返不利

李筌曰往不宜返曰挂
○杜牧曰挂者險阻之

地與敵共有犬牙相錯動有挂礙也往攻敵敵若無備攻之必勝則雖與險阻相錯敵人已敗不得復還我歸路矣若往攻敵人敵人有備不能勝之則爲敵人守險阻邀我歸路難以返也○陳皞曰不得已陷在此則須爲持久之計掠取敵人之糧以伺利便而擊之○杜佑曰敵無備出攻之勝可也有備不得勝之則難還返也○梅堯臣曰出其不意往則獲利若其有備往必受制○張預曰察知敵情果爲無備一舉而勝之則可矣若其有備出而弗克欲戰則不可留欲歸則不得返非所利也

我出而不利

彼出而不利曰支

○杜佑曰支久也俱不便久相持也

○張預曰各守險固以相支持

支

形者敵雖利我我無出也引而去之令敵半出而擊之利

李筌曰支者兩俱不利如挂之形故各分其勢

○杜牧曰支者我與敵人各守高險對壘而軍中有平地狹而且長出軍則不能成陳遇敵則自下禦上彼我之勢俱不利便如此則堂堂引去伏卒待之敵若躡我俟其半出發兵擊

之則利若敵人先去以誘我我不可出也○陳皞曰此說理繁而語倒但彼此出軍地形不便敵若設利誘我而去我慎勿追之我若引去敵止則已若來襲我候其半出則急擊之○賈林曰支者隔險隘可以相要截足得相支持故不利先出也○杜佑曰利利我也佯背我去我無出遂待其引而擊之可敗也○梅堯臣曰各居所險先出必敗利而誘我不可愛僞去引敵半出而擊○王贊曰敵不肯至則設奇伏而退且詭之今必出○張預曰利我謂佯背我去也不可出攻我捨險則反爲所乘當自引去敵若來追伺其半出行列未定銳卒攻之必獲利焉李靖兵法曰彼此不利之地引而佯去待其半出而邀擊之

隘形者我先居

之必盈之以待敵

杜佑曰盈滿也以兵陳滿隘形欲使敵不得進退也

若敵先

居之盈而勿從不盈而從之

曹操曰隘形者兩山間通谷也敵勢不得撓我

也我先居之必前齊隘口陳而守之以出奇也敵若先居此地齊口陳勿從也即半隘陳者從之而與敵共此利也○李筌曰盈平也敵

先守隘我去之趙不守井陘之口韓信下之陳豨不守漳水高祖下之是也○杜牧曰盈者滿也言遇兩山之間中有通谷則須當山口爲營與兩山口齊如水之在器而盈滿也○杜佑曰謂齊口亦滿也如水之滿器與口齊也若我居之平易險阻皆制在我然後出奇以制敵若敵人據隘之半不知齊口滿盈之道我則入隘以從之蓋敵亦在隘我亦在隘俱得地形勝敗在我不在地形也夫齊口盈滿之術非惟隘形獨解有口譬言如平坡迴澤車馬不通舟楫不勝中有一逕亦須據其路口使敵不得進也諸可知矣○陳皞曰隘口言陳是也言營非也○賈林曰從逐也盈實也敵若實而滿之則不可逐討若虛而無備則入而討之○梅堯臣同杜牧註○王贊同曹操註○張預曰左右高山中有平谷我先至之必齊滿山口以爲陳使敵不得進也我可以出奇兵彼不能以撓我敵若先居此地盈塞隘口而陳者不可從也若雖守隘口俱不齊滿者入而從之與敵共此險阻之利吳起曰無當天竈天竈者大谷之口言不可迎隘口而居之也

險形者我先居之必居高陽以待敵

杜佑曰居高陽之地以待

敵人敵人從其下
陰而來擊之則勝

若敵先居之引而去之勿從也

曹操曰地形險隘尤不可致於人○李筌曰若險阻之地不可後於人○杜牧曰險者山峻谷深非人力所能作爲必居高陽以待敵若敵人先據之必不可爭則當引去陽者南面之地恐敵人持久我居陰而生疾也今若於崎澗遇敵則先據北山此乃是面陰而背陽也高陽二者止可捨陽而就高不可捨高而就陽孫子乃統而言之也○杜佑曰地險先據則不致於人也○梅堯臣曰先得險固居高就陽待敵則強敵苟先之就戰則殆引去勿疑○王贊曰此亦爭地若唐太宗先據武牢以待竇建德是也○張預曰平陸之地尚宜先據況險阨之所豈可以致於人故先處高陽以佚待勞則勝矣若敵已據此地宜速引退不可與戰裴行儉討突厥嘗際晚下營漸壘方周忽令移就崇岡將士不悅以謂不可勞衆行儉不從速今徙之是夜風雨暴至前設營所水深丈餘將吏驚服以此觀之居高陽不惟戰便亦無水澇之患也

遠形者勢均難以挑戰戰而不利

曹操

曰挑戰者延敵也○李筌曰力敵而挑則利未可知也○杜牧曰譬
如我與敵壘相去三十里若我來就敵壘而延敵欲戰者是我困敵
銳故戰者不利若敵來就我壘延我欲戰者是我佚敵勞敵亦不利
故言勢均然則如何曰欲必戰者則移相近也○陳皞曰夫與敵營
壘相遠兵力又均難以挑戰戰則不利故下文云勢均以一擊十曰
走是也夫挑戰先須料我兵衆強弱可以加敵則爲之不然則不可
輕進自取敗也○孟氏曰兵勢既均我遠入挑則不利也○杜佑曰
挑迎敵也遠形去國遠也地勢均等無獨便利先挑之戰不利也○
梅堯臣曰勢既均一挑戰則勞致敵則佚○王晳曰以遠致我勞也
○張預曰營壘相遠勢力又均止可坐以致敵不宜挑人而求戰也

凡此六者地之道也將之至任不可不察也

李筌曰此地形之勢也將不知者以敗○賈林曰天生地形可以目
察○梅堯臣曰夫地形者助兵立勝之本豈得不度也○張預曰六
地之形將不可不知故兵有走者有弛者有陷者有崩者

有亂者有北者凡此六者非天之災將之過

也

賈林曰走弛陷崩亂北皆敗壞大小變易之名也○張預曰凡此六敗咎在人事

夫勢均以一

擊十曰走

曹操曰用奇伏之計則可矣○杜牧曰夫以一擊十之道先

須敵人與我將之智謀兵之勇怯天時地利飢飽勞佚十倍相懸然後可以奮一擊十若勢均力敵不能自料以我之一擊敵之十則須

奔走不能返舍復爲駐止矣○梅堯臣曰勢雖均而兵甚寡以寡擊衆必走之道也○王晳曰不待鬪而走也○張預曰勢均謂將之智

勇兵之利鈍

一切相敵也夫體敵勢等

卒強吏弱曰弛

曹操曰吏

自不可輕戰况奮寡以擊衆能無走乎

不能統故弛壞○杜牧曰言卒伍豪強將帥懦弱不能驅率故弛坼壞散也國家長慶初命田布帥魏以伐王延湊布長在魏魏人輕易之數萬人皆乘驢行營布不能禁居數月欲合戰兵士潰散布自剄身死○賈林曰今之不從威之不服見敵則亂不壞何爲○梅堯臣

曰吏無統率者則軍政弛壞○王晳同曹操註○何氏曰言卒伍豪強將帥懦弱不能驅領故弛壞散也○張預曰士卒豪悍將吏懦弱不能統轄約束故軍政弛壞也吳楚相攻吳公子光曰楚軍多寵政令不一帥賤而不能整無大威命楚可敗果大敗楚師也

吏

強卒弱曰陷

曹操曰吏強欲進卒弱輒陷敗也○李筌曰陷敗也卒弱不一則難以爲戰是以強陷也○杜

牧曰言欲爲攻取士卒怯弱不量其力強進之則陷沒於死地也○陳皞曰夫人皆有血氣誰無鬪敵之心若將乏刑德士乏訓練則人皆懦怯不可用也○賈林曰士卒皆羸鼓之不進吏強獨戰徒陷其身也○堯梅臣曰吏雖強進不能激之以勇故陷於死○王晳曰爲下所陷○張預曰將吏剛勇欲戰而士卒素乏訓練不能齊勇同奮苟用之必陷於亡敗

大吏怒而不服

遇敵懾而自戰將不知其能曰崩

曹操曰大吏小將也大將怒之

而不厭服忿而赴敵不量輕重則心崩壞○李筌曰將爲敵所怒不料強弱驅士卒如命者必崩壞○杜牧曰春秋時楚子伐鄭晉師救

之伍參言於楚子曰晉之從政者新未能行令其佐先縠剛愎不仁未肯用命其三帥者專行不獲聽而無上衆無適從此行也晉師必敗晉魏鍇求公族未得而怒欲敗晉師請致師不許請使許之遂往請戰而還趙旃求卿未得請挑戰不許召盟許之與魏鍇皆命而往郤克曰二憾往矣弗備必敗隨會曰若二子怒楚楚人乘我喪師無日矣不如備之先縠曰不可隨會使翬朔韓穿師七覆於敖前故上軍不敗而中軍下軍果敗七覆七處伏兵也敖山名也○陳驛曰此大將無理而怒小將使之心內懷不服因緣怒遇敵便戰不顧能否所以大敗也○賈林曰自上墮下曰崩大吏小將不相壓伏崩壞之道將又不量己之能否不知卒之勇怯強與敵鬪自取賊害豈非自上而崩乎○梅堯臣曰小將心怒而不服遇敵怨懟而不顧自取崩敗者蓋將不知其能也○王贊曰謂將怒不以理且不知裨佐之才激致其兇懾如山之崩壞也○何氏曰三軍同力上下一心則勝也○張預曰大凡百將一心三軍同力則能勝敵今小將恚怒而不服於大將之令意欲俱敗逢敵便戰不量能否故必崩覆晉伐秦荀偃行令是也曰雞鳴而駕唯余馬首是瞻樂書怒曰晉國之命未是

有也。遂棄之歸。又趙穿惡臾駢。將弱而逐秦魏。鑄怒晉師而乘楚。

將弱不嚴。教道不明。吏

卒無常陳。兵縱橫曰亂。

曹操曰：爲將若此，亂之道也。李筌曰：將或有一於此，亂之道也。

也。○杜牧曰：言吏卒皆不拘常度，故引兵出陳，或縱或橫，皆自亂之也。○賈林曰：威令既不嚴明，士卒則無常稟。如此軍幕不亂，何爲謂將無嚴令？賞罰不行之故。○梅堯臣曰：懦而不嚴，則士無常檢；教而不明，則出陳縱橫，不整亂之道也。○王贊曰：亂者不勝其敗。○張預曰：將弱不嚴，謂將帥無威德也；教道不明，謂教閱無古法也；吏卒無常，謂將臣無久任也。陳兵縱橫，謂士卒無節制也。爲將若此，自亂之道。

將不能料敵以少合衆。以弱擊強。兵無選

道。

曹操曰：其勢若此，必走之兵也。○李筌曰：軍敗曰北，不

料敵也。○杜牧曰：衛公李靖兵法有戰鋒隊言，揀擇勇敢之士，每戰皆爲先鋒。司馬法曰：選良次兵，益人之強。註曰：勇猛勁捷，戰不得功。後戰必選於前，當以激致其銳氣也。東晉大將軍謝玄

北鎮廣陵時苻堅強盛玄多募勇勁劉牢之何謙諸葛侃高衡劉軌
田洛孫無終等以驍猛應募玄以牢之領精銳爲前鋒百戰百勝號
爲北府兵敵人畏之所向必克也○賈林曰兵鋒不選利鈍士卒不
知勇怯如此用兵自取背道也○梅堯臣曰不能量敵情以少當衆
不能選精銳以弱擊強皆奔北之理也○何氏曰夫士卒疲勇不可
混同爲一一則勇士不勸疲兵因有所容出而不戰自敗也故兵法
曰兵無選鋒曰北昔齊以伎擊強魏以武卒奮秦以銳士勝漢有三
河俠士効客竒材吳謂之解頑齊謂之決命唐謂之跳盪是皆選鋒
之別名也兵之勝術無先於此凡軍衆既具則大將勒諸營各選精
銳之士須趨健出衆武藝較格者部爲別隊大約十人選一人萬人
選千人所選務寡要在必當擇腹心健將統率自大將親兵前鋒奇
伏之類皆品量配之也○張預曰設若奮寡以擊衆驅弱以敵強又
不選驍勇之士使爲先鋒兵必敗北也凡戰必用精銳爲前鋒者一
則壯吾志一則挫敵威也故尉繚子曰武士不選則衆不強曹公以
張遼爲先鋒而敗鮮卑謝元以
劉牢之領精銳而拒苻堅是也

凡此六者敗之道也

陳皞曰

曰不量寡衆二曰本乏刑德三曰失於訓練四曰非理興怒五曰法令不行六曰不擇驍果此名六敗也將之至任

不可不察也

張預曰已上六事必敗之道

夫地形者兵之助也

杜牧曰夫兵之主在於仁義節制而已若得地形可以爲兵之助所以取勝也助一作易○陳皞曰天時不如地利○孟氏曰地利待人而險○賈林曰戰雖在兵得地易勝故曰兵之易也山可障水可灌高勝卑險勝平也○王晳曰兵道則在人○張預曰能審地形者兵之助耳乃末也料敵制勝者兵之本也

料敵制勝計險阨遠近上將之道也

杜牧

用之費人馬之力攻守之便皆在險阨遠近也言

若能料此以制敵乃爲將臻極之道○王晳曰料敵窮極之情險阨遠近之利害此兵道也○何氏曰知敵知地將軍之職○張預曰既能料敵虛實強弱之情又能度地險阨遠近之形本末皆知爲將之道畢矣

知此而用戰者必勝不知此而用戰者

必敗

杜牧曰謂知險阨遠近也○梅堯臣曰將知地形又知軍政則勝不知則敗○張預曰既知敵情又知地利以戰則勝俱

不知之以

戰即敗

故戰道必勝主曰無戰必戰可也戰道

不勝主曰必戰無戰可也

李筌曰得戰勝之道必可戰也失戰勝之道必無戰可也

立主人者發其行也○杜牧曰主者君也黃石公曰出軍行師將在自專進退內御則功難成故聖明王跪而推轂曰閫外之事將軍裁之○孟氏曰寧違於君不逆士衆○梅堯臣曰將在軍君命有所不受○張預曰苟有必勝之道雖君命不戰可必戰也苟無必戰之道雖君命必戰可不戰也與其從令而敗事不若違制而成功故曰軍中不聞天子之詔故進不求名退

不避罪

王贊曰皆忠以爲國也○何氏曰進豈求名也見利於國家士民則進也退豈避罪也見其蹙國殘民之害雖君命使進而不進罪及其身不悔也唯人是保而利合於主國之寶也

李筌曰進退皆保人非爲身也○杜牧曰進不求戰勝之名退不避違命之罪也如此之將國家之珍寶言其少得也○陳皞曰合猶歸也○梅堯臣曰寧違命而取勝勿順命而致敗○王贊曰戰與不戰皆在保民利主而已矣○張預曰進退違命非爲已也皆所以保民命而合主利此忠臣國家之寶也

視卒如嬰兒故可與之赴深谿

視卒如愛子故可與之俱死

李筌曰若撫之如此得其死力也故楚子一言

三軍之士皆如挾纊也○杜牧曰戰國時吳起爲將與士卒最下者同衣食卧不設席行不乘騎親裹羸糧與士卒分勞苦卒有病疽吳起吮之其卒母聞而哭之或問曰子卒也而將軍自吮疽何爲而哭母曰往年吳公吮其父其父不旋踵而死於敵今復吮此子妾不知其死所矣○梅堯臣曰撫而育之則親而不離愛而曷之則信而不疑故雖死與死雖危與危○王贊曰以仁恩結人心也○何氏曰如後漢段熲爲破羌將軍以征西羌行軍仁愛士卒傷者親自瞻省手爲裹瘡在邊十餘年未嘗一日蓐寢與將士同苦故皆樂爲死戰也

晉王濬爲巴郡太守郡邊吳境兵士苦役生男多不舉濬乃嚴其科條寬其徭課其產育者皆與休復所全活者數千人及後伐吳先在巴郡之所全活者皆堪徭役供軍其父母戒之曰王府君生爾爾必勉之無愛死也故吳子有父子之兵○張預曰將視卒如子則卒視將如父未有父在危難而子不致死故荀卿曰臣之於君也下之於上也如子弟之事父兄手足之捍頭目也夫美酒泛流三軍皆醉溫言一撫士同挾纊信乎以恩遇下古人所重也故兵法曰勤勞之師將必先已暑不張蓋寒不重衣險必下步軍井成而後飲軍食熟而後飯軍壘成而後舍

厚而不能使愛而不能令亂而不能

治譬若驕子不可用也

曹操曰恩不可專用罰不可獨任若驕子之喜怒對目還害而

不可用也○李筌曰雖厚愛人不令如驕子者有勃逆之心不可用也○杜牧曰黃石公曰士卒可下而不可驕夫恩以養士謙以接之故曰可下制之以法故曰不可驕陰符曰害生於恩吳起曰夫鼓鼙金鐸所以威耳旌旗麾章所以威目禁令刑罰所以威必耳威於聲